

Չմայրն աղէկիդ՝ անդ էր տեսանել տեսիլ իմն սխրալի առաջի դասուց սեւազգեցից պարագլուխ զընթանալն բացերեսօք, այն՝ որ երից թագաւորացն էր նազելի՝ չքնադագեղն Օլոմպիա: Ըստ որում խումբք ժողովոյն յերկուց կողմանց խուռն ընթանային՝ զպէսպէս դիպուած տեսլեան մօր տիեզերակալին, զի այսօր համարձակ թխասքօղ եղեալ, ի սենեկէ մինչ ի մէզարըստան համբարձեալ զձեռս, շարժեալ զգլուխս՝ ոչ միայն բանկանաց՝ այլ եւ առ լերինս աղաղակէ թէ Լալակից եղի՛ք ինձ որդեկորուսի. եւ այլ բլուրս ձայն բարձեալ բողոքէ՝ Լի՛ք որբակից մօրս կարօտելոյ աշխարհակալի: Ոչ յոյս ունիմ ի մտի՝ թէ այնպէս ծնանիցի որդի, եւ ոչ գոյ նման նմա այլ ի համայն աշխարհի, կամ թէ եւ այն ինձ լինիլ մարթիցի: Համեստապատկառն գիմօք կարկառէ զձեռս ընդ ժողովս մարդկան՝ ասէ. Ամօթն իմ բարձաւ, մի՛ լինիք ինձ մեղադիր, զի թագաւորն ձեր զվախճան է առեալ յերիտասարդական տի, անտես աչաց իմ կրկին վտանդաւ ի տար աշխարհի, ի հիմնաւերն այն ի Բարիլոնի. խսկ Տէօզա, սեւազգեաց առաջնորդ արջնաթուրս պարուց ի ներցասումս դառնացեալ կոծիւ ծնողն եմ Օլոմպիայ՝ հըռչակեալն դժխոյ եւ արդ եղկելի, ողորմ ու լալի: Ա՛յ դստերք Մակեդոնացուց, զի՞ կայք լքեալք, լուծեալք, պռուցեալք ի նոր զարմացմունս ձայնի՝ անլուր ողբերգութեան թագաւորի: Օղնեցէ՛ք ի ձայն ողբոյ ինձ տառապելոյս. զքարակարկառս եւ զհողաբլուրս, ըզծառս եւ զթուփս ի բողոք գուժիս ինձ յորդորեցէ՛ք: Վասն որոյ եւ կուսանացն յաւաղելն աղէտիւ զարեւ մանկութեան եւ զբարձրաճօխութեան տիեզերակալին եւ երգողք ըստ ժամանակին եւ յաւուրն յարմարեալ ի փողոցս նուագէին դամբումբ, որպէս երբեմն Արշակունւոյն Արտաշիսի եւ զհնամանն Թորոսի եւ գերութեան Լէոնի ի Հայաստան՝ պիր զէման: Վասն որոյ